

習者得阿羅漢眼所見形色皆如是盡法得
 辟支佛一切諸習緒盡便得三耶三佛如是
 云何當知是事若道無分數者云何隨行各
 得其道佛告須菩提須陀洹道乃至三耶三
 佛為是有為耶為是無為耶須菩提言世尊
 非是有為法佛言無為之法有分界不須菩

提言無有分界佛言於意云何善男子善女
 人一時遠得有為無為之法及得一相是時
 寧見言是有為是無為不須菩提言世尊不
 也佛言菩薩行般若波羅蜜為衆生說法無
 有分界以內外空及有無空故菩薩於內自
 無所入教一切人亦無所入亦不入六波羅
 蜜亦不入禪亦不入等亦不入於三十七品
 亦不入薩云若無所入者為無所生譬如如
 來化作化人化人布施亦不得報欲度人故
 亦不住於六波羅蜜亦不住於有漏無漏亦
 不住道亦不住俗亦不住有為亦不住無為
 適無所住所以者何超越諸法之相故

放光摩訶般若波羅蜜經卷第二十六

放光摩訶般若波羅蜜經卷第二十七 芥

西晉三藏無羅叉共竺叔蘭奉

詔譯

超越法相品第七十九

於是須菩提白佛言世尊云何超越諸法法
 相佛告須菩提譬如化人無姪怒癡亦無五
 陰行亦無內外事無有罣礙處亦無道事亦
 無俗事有漏無漏有為無為亦無道事亦無
 有果報佛語須菩提是為超越諸法相須菩
 提白佛言世尊化者云何有道念佛報言
 道念者亦無斷亦無著亦無於五趣現佛言於
 須菩提意云何如來所化頗有形有來往有
 著斷耶須菩提言世尊如來所化無有來往

亦無著斷亦不於五趣現佛言須菩提是為超越諸法之相須菩提白佛言世尊諸五陰皆如幻耶佛言如是如是須菩提白佛言若諸法如化世尊化者亦無有色亦無有痛亦無想亦無行亦無識亦無著亦無斷亦不於五趣有脫菩薩摩訶薩有何等奇特事佛言

於須菩提意云何我本為菩薩時頗見從五趣中得度脫眾生者不須菩提報言不見有所脫佛言於三界不見有眾生何況當有五趣當有所度何以故菩薩觀知諸法如幻如化須菩提言若菩薩觀知諸法如幻如化者用何等故行六波羅蜜四禪四等四空定為

何等故行三十七品而淨佛土教化眾生佛告須菩提若眾生自知諸法如幻如化者菩薩終不於阿僧祇劫慍苦行菩薩之道須菩提以眾生不能自知如幻如化故菩薩慍苦行六波羅蜜淨佛國土教化眾生須菩提白佛言世尊假令諸法如夢如幻如化如響如

熱時之焰於何許有眾生菩薩行般若波羅蜜而拔濟眾生佛言眾生者但共縛於名字數著於無端緒是故菩薩摩訶薩行般若波羅蜜於名字相拔濟之須菩提白佛言何等為名字相佛告須菩提名字者不真假名為名假名為五陰假名為人為男為女假名為

五趣及有為無為法假名為須陀洹斯陀含阿那含阿羅漢辟支佛三耶三佛佛語須菩提諸吾我造作之法及道但為名字數法故凡諸愚人縛著於有為法是故菩薩行般若波羅蜜以漚和拘舍羅教授眾生言是名但從相起但以相故生母人胞胎所有者無端緒所有者無所有諸智者不入於空佛語須菩提以是故菩薩摩訶薩行般若波羅蜜以漚和拘舍羅教授眾生佛言何等為相須菩提凡愚以二相著何等為二一者形相二者無形相何等為形相諸有好形惡形微形於是消耗之法於中有所起相是名為形相何

等為無形相諸無形之法於中起相生垢是名為無形相菩薩學般若波羅蜜以漚和拘舍羅於無形相出諸衆生建立於無相處令不二入何等為二是相是無相是為二須菩提是為菩薩摩訶薩於相中出諸衆生建立於無相須菩提白佛言世尊假令諸法但有名相菩薩云何行般若波羅蜜於諸善法云何有差別而復勸他人於善法使有差別耶以善法具足諸處建立衆生於三乘佛告須菩提言假令菩薩念五陰名不計校五陰相菩薩為不行般若波羅蜜於善法無有差別亦不能令他人有差別須菩提若菩薩摩訶薩行般若波羅蜜以無相行五波羅蜜以無相具足四禪具足四等具足四空定以無相具足三十七品以無相具足內外空及有無空以無相具足八惟無及九次第禪具足佛十種力以無相具足佛十八法菩薩以自具足是善法勸他人以無相具足諸善法須菩提

芥

放光三七

三

提若諸法有如毛釐之相者菩薩行般若波羅蜜終不逮空無相無願之法不能隨衆生所願而建立之不能令得空無相無願漏盡之法須菩提菩薩摩訶薩以無相無念行般若波羅蜜饒益一切如是須菩提白佛言世尊假令諸法空無相無念世尊云何為法作分數言是有漏是無漏是能有所及是不能有所及言是聲聞法是辟支佛法是菩薩法是佛法佛告須菩提言於意云何無相與聲聞辟支佛法菩薩佛法有異不須菩提言不也世尊佛言聲聞辟支佛法及菩薩佛法皆不是無相耶須菩提言亦世尊佛言以是故當知諸法皆無相佛言菩薩於諸法作無相學者則能增益善本功德則能增益六波羅蜜四禪四等四空定三十七品佛十八法何以故菩薩者不學餘但學空無相無願所以者何諸善法皆來入三脫門故三脫門自空菩薩學空無相無願為學五陰為學十二

表為學十八性為學四諦為學十二緣起為
學內外空及有無空為學六波羅蜜為學三
十七品為學佛十力四無所畏四無礙慧佛
十八法須菩提白佛言云何世尊菩薩行般若
若波羅蜜云何學五陰佛報言菩薩行般若
波羅蜜知色相知色起滅知色如云何知色

相色堅固固辟如聚沫云何知色本末色亦
不來亦不去亦無還返須菩提是為知色本
末云何知色如如亦不生亦不滅亦不來亦
不去亦不斷亦不著亦不增亦不減作如是
知是為知色如是故名為如亦不變異是故
名為如是故名為知色如云何知痛生滅云

何知痛如知痛如泡故云何知想如知想如
熱時之焰至竟無水亦不去亦不來痛如及
想如等知想亦如是云何知行如辟如芭蕉
葉葉分解中無有堅云何知行起滅行亦無
有來往知行如是知如亦如是云何觀識辟
如幻師化作四種兵亦不往亦不來觀識亦

芥

故云三七

四

如是云何觀識如觀如如識是為知識如云
何觀知眼性眼所有空眼色空眼識空乃至
意識所有空云何觀知十二表知內外法如
知內外法所有空云何觀知苦諦亦知苦亦
知諦亦知有我無我諦習盡空皆知諦云何
知四諦如知如四諦是為知四諦如云何
觀知十二緣起如十二緣起無所生是故知
十二緣起如須菩提白佛言菩薩學般若波
羅蜜行般若波羅蜜假令各各分別知是諸
法如是則為不分別法性色身佛報言若有
異法離於法性者是色身法性則為有別何
以故須菩提如來及如來弟子不見有法離
於法性法性與法有別者雖不見不處法無
有二離法性者佛告須菩提菩薩行般若波
羅蜜當作是學性須菩提白佛言世尊菩薩
學法性者為無所學佛告須菩提菩薩學法
性者為盡學一切諸法何以故一切諸法皆
是法性須菩提白佛言何以故諸法皆是法

性諸有為法皆是法性是故須菩提菩薩學般若波羅蜜者為學法性須菩提白佛言假令諸法皆是法性菩薩用何等故行六波羅蜜何以故行四禪四等四空定云何行三十七道品三脫門八惟無九次第禪十力四無所畏何以故學佛十八法學六通三十二相

芥

放光二十七

五

學成就八十種好何以故學生四姓家何以故學生四天上從第四天至三十三天何以故從初發意至第十地何以故學三乘淨佛國土教化眾生學陀隣尼門學辯才何以故學菩薩道學諸法如知一切眾事法性中無有是若干分數世尊將無菩薩行顛倒事所以者何法性亦非五陰法性亦不離五陰法性則是五陰五陰則是法性佛告須菩提如是如是須菩提如汝所言法性則是五陰五陰則是法性須菩提菩薩行般若波羅蜜若見法有離法性者終不發阿耨多羅三耶三善菩薩行般若波羅蜜諸法之性則是道是

故菩薩行般若波羅蜜知諸法則是法性無名之法以名教授從五陰至道皆以名号法數字說之須菩提譬如幻師持一鏡現若干種像若男若女若馬若象若廬館若浴池於中示現若干種座氍毹毼氍統綖帳幔香華伎樂種種食飲之具以名伎樂娛樂眾人之復現六波羅蜜於中現四大姓現有須弥山有三十三天於中現諸聲聞辟支佛現諸新發意行六波羅蜜菩薩復現十住一生補處菩薩現諸菩薩遊戲於五通現有淨佛國土教化眾生現有行三昧三摩洹以自娛樂復現有行佛十力四無所畏大慈大悲現有佛身相具足者中有愚癡之士稱歎言快哉是人所作甚奇特能食飲若干億萬人皆令歡喜現若干種像世尊相好中或有智者便大笑言是幻師所作乃尔以空無所有法以無端緒之法樂眾人令使有端緒無形相與作形相佛言菩薩行般若波羅蜜不見有法離法

性者以漚和拘舍羅為衆生說法亦不見衆生亦不見其處自行六波羅蜜勸人習六波羅蜜見有行者代其歡喜自行十善勸人令行見行十善者讚歎代其歡喜自行五戒勸人令持見有持者讚歎代其歡喜自持八齋勸人令持見有持者讚歎代其歡喜自行四

芥

放光二十七

六

禪四等四空定勸人令行見有行者讚歎代其歡喜自行三十七品三脫門及四無所畏佛十力佛十八法勸人令行見有行者讚歎代其歡喜佛告須菩提言法性前以後及中間無有增減是故菩薩摩訶薩為衆生故備苦行菩薩之行若法性前後及中間有異者

菩薩終不以漚和拘舍羅廣宣法性教授衆生

放光摩訶般若波羅蜜經信本際品第八十

尔時須菩提白佛言假令初無有衆生及其處菩薩為何等故念行般若波羅蜜佛告須菩提菩薩信真際故念般若波羅蜜真際及

衆生際有異者菩薩終不念般若波羅蜜以真際衆生際等無有異故菩薩欲益衆生故念行般若波羅蜜復次須菩提菩薩摩訶薩行般若波羅蜜亦不流分別真際而建立衆生於真際須菩提白佛言若建立衆生於真際者則為建立真際於真際若建立真際

於真際者俱無所有云何持無所有建立於無所有世尊如是者菩薩云何建立衆生於真際佛告須菩提不可以真際建立於真際不可以所有建立於所有亦不可以無所有建立於無所有須菩提菩薩行般若波羅蜜以漚和拘舍羅建立衆生於真際真際及衆

芥

放光二十七

七

生際一際無有二須菩提白佛言世尊何等為菩薩漚和拘舍羅行般若波羅蜜而建立衆生於真際而無所分現佛告須菩提言菩薩摩訶薩行般若波羅蜜以漚和拘舍羅建立衆生於檀建立已為說檀本末空為說所施及施者受者皆空受果報亦空教言善男

子莫作若干想汝所施及受者謂有異耶等
 一空耳皆入實際教言善男子汝若不分別
 所施及受者及果報是則甘露施便連甘露
 果莫以是施受色教言善男子莫以施受痛
 莫以施受想行識何以故汝所施及施者受
 者皆空受報亦空以空施有所求諸所施不
 可得見何以故所有者從本至竟常自空故
 復次須菩提菩薩摩訶薩行般若波羅蜜以
 漚和拘舍羅建立衆生於尸教言善男子捨
 是十惡行是諸惡法無有實當諦自思惟是
 十惡本無所有菩薩摩訶薩以是具足於漚
 和拘舍羅教授衆生便以檀及尸教於衆生
 檀及尸果報皆自空無所有亦不分中便遠
 寂靜便生智慧斷諸矇冥離諸苦惱以世俗
 數般泥洹不以最第一義何以故從空中索
 般泥洹者無有空終不般泥洹泥洹者亦自
 至竟空復次須菩提菩薩見衆生乱意志不
 定闢諍怨恚便教令忍辱教令習禪教人言

汝所入陷溺皆是空無所有當熟思念言我
 空弊暴為我為是誰空弊暴意從何所來空
 無有不空時是空亦非如來菩薩羅漢辟支
 佛所作亦非諸三十三天龍阿須倫鬼神甄
 陀羅摩睺勒所作空自然空菩薩行般若波
 羅蜜以空法建立衆生令入空雖有報應不
 離阿耨多羅三耶三菩雖勸進衆生求道但
 是俗數非是最第一義何以故空性亦非速
 覺亦無有速覺者亦無有不當速覺者是為
 實際性空菩薩為衆生故於中行般若波羅
 蜜亦不得衆生亦不見其處何以故衆生寂
 如諸法復次須菩提菩薩行般若波羅蜜以
 芥放光三七
 漚和拘舍羅見衆生中有懈怠者菩薩便勸
 助身意行精進空無之法於諸法無有懈怠
 亦不見有懈怠空無法終不從空退轉莫於
 善法生懈怠意莫於身意退於六波羅蜜及
 四禪四等四空定莫退於三十七品法及三
 脫門至佛十八法莫生懈怠念莫於諸法作

聖礙觀空無聖礙之法無有懈怠者佛語須菩提菩薩行般若波羅蜜以空性之法勸進衆生令住空行雖住空行不以二事何以故空性者一無有二不二之法無可入處復次須菩提菩薩行般若波羅蜜持空性之法教衆生令精進教告之意善男子當善精進於

施於戒於忍於進於禪於智隨意所能於三十七品乃至佛十八法善男子莫於是法起二念亦不離二念何以故是法性空空性之法亦無有二亦不二故須菩提是爲菩薩行般若波羅蜜以漚和拘舍羅習菩薩之行教授衆生淨佛國土次建立衆生於須陁洹

斯陀含阿那含阿羅漢辟支佛建立衆生乃至阿耨多羅三耶三善復次須菩提菩薩行般若波羅蜜以漚和拘舍羅祐利衆生勸助之言當念禪一心莫生亂想亦莫生三昧想何以故諸法性皆空空無法中亦無亂者亦無有一心者當住是三昧身口意所作事若

芥

放光于七

九

六波羅蜜三十七品八惟無九次第禪佛十力四無所畏四無礙慧大慈大悲佛十八法八十種好若聲聞辟支佛道菩薩道佛道若聲聞果辟支佛果若菩薩云若若淨佛土教化衆生若行空者便得是諸善法事佛告須菩提菩薩行般若波羅蜜以漚和拘舍羅祐利

衆生如是從初發意以來未嘗不爲衆生多少作祐利時從一佛國至一佛國供養禮事諸佛卅尊從諸佛所受法教至阿耨多羅三耶三善終不忘失常得諸惣持身口意行常具足無所乏少何以故善於薩云若念故以善薩云若者便善於諸道聲聞辟支佛道及神通菩薩諸所可應行道終不廢捨立於神通救護衆生周旋五趣生死不耗減於神通佛告須菩提菩薩行般若波羅蜜住於空性祐利衆生如是復次須菩提菩薩行般若波羅蜜以漚和拘舍羅住於空性祐利衆生以般若波羅蜜勸教衆生言諸仁者淨於身口

意受甘露教有受甘露教者終不離空性法
 何以故空性之法亦非是有法亦非是無法
 佛告須菩提菩薩行般若波羅蜜使衆生作
 是入作是學未曾不精進時自行十善勸人
 令行自行五戒及八齋四禪四等四空定勸
 人令行自行三十七道品法十力十八法勸
 人令行自行八十種好勸人令行自學須陀
 洹道慧復令人學須陀洹自不於中有所欲
 自於羅漢法中取慧亦教他人學阿羅漢辟
 支佛法自於內無所欲自發阿耨多羅三耶
 三善復教他人學阿耨多羅三耶三善佛告
 須菩提菩薩摩訶薩習菩薩之行以漚和拘
 舍羅初無有懈怠時須菩提白佛言假令諸
 法性本空衆生亦不可得亦無有正法亦不
 見非法云何菩薩遠得薩云若慧事佛告須
 菩提言如是如是如汝所言一切諸法性皆
 空空法中亦無有衆生亦無有正法亦無有
 非法若諸法性不空者菩薩不於空性中成

芥
放光二十七

十

阿耨多羅三耶三善為空性說法說五陰性
 空是故菩薩行般若波羅蜜說五陰性空以
 十八性空以十二緣起性空故為衆生說法
 說四禪四等四空定說三十七品性空說三
 脫門說八惟無九次第禪空四無礙慧四無
 所畏說十八空佛十八法大慈大悲十八種
 好空以是故為衆生說法說聲聞辟支佛道
 說薩云若說諸本習垢盡以是空性說法若
 內空外空及有無空是性不空者菩薩終不
 以空性說法若內空外空及有無空非是性
 空者為壞敗空矣空不可壞亦不可尊上何
 以故空亦無有處亦不無處亦不來亦不往
 是故法常住無有增減無有起滅無著無斷
 菩薩住是法者為成阿耨多羅三耶三善亦
 不見法有所逮亦不有所逮亦不無所逮
 是為法之常住菩薩行般若波羅蜜者見諸
 法性皆空於阿耨多羅三耶三善終不轉還
 何以故不見諸法罣礙當何從有狐疑阿耨

多羅三耶三善者性空無有衆生亦不見衆生處亦不見有吾我壽命及知見事亦不見五陰乃至八十種好亦無所見須菩提譬如化佛化作比丘比丘優婆塞優婆夷爲說法至那末劫不斷絕須菩提是化人於三乘法寧有所得不須菩提言不也世尊何以故

芥

放光三十七

十一

無形故諸法亦無有形何所衆生爲菩薩入聲聞辟支佛言但爲著餘墮顛倒者建立於順如是倒者爲非顛倒無有顛倒及諸念處亦無衆生亦無吾我亦無壽命亦無知見之事亦無五陰亦無有道是名爲空性菩薩於中行般若波羅蜜度諸顛倒及有人相及衆生相度脫有色無色相度脫有漏之法以俗數度脫無漏之法非最第一之義何等無漏三十七品是亦無所有亦無所生亦不以行是謂空性諸佛世尊之道諸佛之道者亦無衆生亦無我人壽命亦無知見亦無五陰亦無三十二相八十種好是者真是如來之道

亦不以菩薩道故發阿耨多羅三耶三善但爲空性故從本至竟及其中間無不空者常一空故菩薩所以行空波羅蜜以衆生有衆生相欲建立於薩云若故是故菩薩行道慧以道慧事便能入諸道亦入三乘道菩薩具足入諸道已教化衆生淨佛國土便住於有爲中成阿耨多羅三耶三善不斷佛業及諸空性住空性者是諸去來今佛之道業生死之處及諸俗法不離於空性諸菩薩皆當入於諸佛所習行空性雖行空性於薩云若而不墮落須菩提白佛言世尊諸菩薩摩訶薩甚奇甚特行於空事不分別空何等爲不分別空不言色異覺異想異行異識異空異乃至于道亦不言異空性則是道道則是空性佛告須菩提假令空惟異五陰異者菩薩終不逮覺薩云若空性與五陰等無有異菩薩知諸法性皆空是故發阿耨多羅三耶三善何以故空性法亦無壞者亦無尊上而世人

迷惑言五陰是我所我是五陰所便入五陰
 行吾我事復入内外形便生五陰便有生老
 病死憂悲勤苦墮五趣中不得度脫是故菩
 薩習行空波羅蜜不分別五陰不觀五陰空
 以不空乃至於道亦不觀空以不空所以者
 何不芥以五陰空而現五陰亦不以道空而現

芥

放光王

十三

道也須菩薩芥辟如虛空不分別空亦不分別
 内外空如是須菩提亦不以五陰空故現五
 陰亦不以道空故現道何以故空者無所有
 亦不分別是空是不空乃至於道亦復如是
 須菩提白佛言世尊假令諸法不可分別不
 可懷者云何菩薩發阿耨多羅三耶三善世
 尊於道有二者不能發阿耨多羅三耶三善
 佛言如是如是須菩提行二者無有道道者
 無二亦非二也菩薩學道不作二入菩薩則
 是道道則是菩薩亦不行色痛想行識亦不
 行道何以故道亦不言汝當行五陰汝當行
 道菩薩行道亦無所取須菩提白佛言菩薩

行道亦不有所取亦不有所放為作何等行
 於何所行道佛言於汝意云何如來所作化
 於何所行有取有放不須菩提言世尊不也
 無取無放佛言羅漢於夢中為有所取有所
 放不答言不也須菩提言世尊羅漢尚不眠
 那得有夢佛言如是如是須菩提菩薩所行
 亦無所取亦無所放須菩提言世尊菩薩意
 亦不於五陰亦不於道有所取放者菩薩為
 不行十住地所應行耶不行六波羅蜜耶不
 於三十七品四禪四等及四空定八惟無九
 次第不行十力四無所畏三十二相八十種
 好不行五通淨佛國土教化衆生不逮薩云
 若可得成阿耨多羅三耶三善不佛言如是
 如是須菩提若菩薩不具足行十地不具足
 六波羅蜜不具足四禪四等及四空定八惟
 無禪九次第禪三十七品乃至八十種好不
 具足者終不得成阿耨多羅三耶三善不具
 足者不能逮薩云若滅五陰空相滅道空性

十三

是性已滅住於滅性不為法作損益亦無所
生亦無所滅亦無著斷亦無逮覺須菩提以
世俗法教菩薩成阿耨多羅三耶三菩五陰
及道以俗數故非最第一要義菩薩從初發
意已來雖行道意亦不滅衆生亦不滅道亦
不滅菩薩亦不滅於須菩提意云何汝等五

陰除滅得無量三昧得須陀洹乃至羅漢時
是時頗見意頗見道果不須菩提言世尊不
見也佛言汝弟子等云何有言有所逮得須
菩提言但以世俗數耳佛言亦復以世俗數
故言有五陰言有菩薩言有薩云若菩薩不
於道有所得法有所損益者以法性故不得
諸法性尚不得諸法性何況當得十住地及
六波羅蜜三十七品及三脫門乃至佛十八
法當有所得者是者不然是故須菩提菩薩
摩訶薩行阿耨多羅三耶三菩得阿惟三佛
祐利衆生
放光摩訶般若波羅蜜經卷第二十七 芥七

放光摩訶般若波羅蜜經卷第二十八 芥

西晉三藏無羅叉共竺叔蘭奉 詔譯

無形品第八十一

須菩提白佛言世尊若菩薩摩訶薩於六波
羅蜜三十七品佛十種力四無所畏四無礙
慧佛十八法行十八空不具足菩薩道不成
阿耨多羅三耶三菩者云何菩薩摩訶薩得
阿耨多羅三耶三菩佛告須菩提菩薩學般
若波羅蜜以漚和拘舍羅行檀波羅蜜亦不
見所施物亦不自見亦不見受者亦不離是
法亦不見是法作是行者便照明於菩薩道
以是故須菩提菩薩行般若波羅蜜漚和拘
舍羅故逮覺阿耨多羅三耶三菩菩薩行檀
波羅蜜亦不見所施物亦不自見亦不見受
者行五波羅蜜乃至佛十八法亦復如是舍
利弗白佛言世尊菩薩行般若波羅蜜云何
習般若波羅蜜佛告舍利弗菩薩行般若波
羅蜜以漚和拘舍羅亦不習五陰亦不習